

կուսին, զոր 'ի քակելն՝ գտի քար մարմարինն 'ի ներքոյ
 ծեփի արեւելեան որմնյն, թոյլտուութեամբ այլազգի
 դռնապանին: Թէպէտ Յոյնք յարուցին վէճս վասն այսր,
 այլ դատաւորն արգել զհակառակութիւնս նոցա (1656):
 Եւ թէ՛ 'ի ժամանակս Խաչակրաց էր վանք Կրօնաւորաց
 անդ 'ի Ս. Աստուածածին. զորոց թոշակս յաւել Փիոս
 Կոթիֆրատոս առաջին Թագաւորն Երուսաղէմի. յետոյ
 տւերեալ յԱրաբացւոց ընդ այլ վանօրէից եղելոց անդր:
 Պարտաւէն Ս. Երէն, յետագայ: Իսկ Հաննա վարդապետ
 այսպէս գրէ. «Այս յառաւոր եկեղեցիս յատուկ էր ազ-
 գիս Հայոց, որպէս յորմս Եկեղեցւոյն երեւէին յիշատա-
 կարանք նորոգողաց եւ թուականքն՝ երկաթագիր տա-
 սիւք»: Սակայն զգարեալ ընդ այն Լատին լուսարարին՝
 կռանաւ տաշեալ եղծեաց զգիրսն 'ի ծածուկ, և յիշատա-
 կարան Մարտիրոս վարդապետին մնացեալ մինչ 'ի ժամա-
 նակս իւր, որպէս գրեալ եմք: Այլ այս եւս չերեւի այ-
 ժըմ: Պարտաւէն Երուսաղէմի, Երեւ 303:

Գ Լ Ո Ի Խ Խ Ե .

Փիլիսոսոս և Ներսէս Կաթողիկոսներ: Վէճ Յունաց սակս Բեթղէհէ-
 մի Վանաց: Վանք Ս. Փրկչի: Տեառչն Հաղեշաց. Գրաւուին սեփհա-
 կանութեանց նոցին 'ի Յունաց. և Վէճ վասն այսր ինդոց:

ՅԱՒՈՒՐՍ Աստուածատուր Պատրիարքի եկն յերու-
 սաղէմ Տ. Փիլիսոսոս Կաթողիկոս Ս. Էջմիածնի, և 'ի նոյն
 աւուրս եկեալ էր անդ և Տ. Ներսէս Կաթողիկոսն Սոսյ,
 ընդ սոսա էին վարդապետք և եպիսկոպոսունք 20. և քա-
 հանայք յամենայն դաւարաց, և ուխտաւորք իրրեւ 800:
 Սոքա արարին ժողով 'ի վանս Ս. Յակոբայ, վասն բառնա-
 լոյ դանկարգութիւնս որք մտեալ էին յԵպիսկոպոսունս և
 յաշխարհական երիցունս, և վասն անհետ առնելոյ զառե-
 լութիւն թշնամութեան որ կայր 'ի մէջ երկուց աթոռոց.
 և 'ի ժողովի աստ սահմանեցին 13 կանոնական գլուխս, որ-